

странах по всей вселенной, яже суть отдана богу в приношение жертвам даже до скончания века, да || пребывает моего царства нерушима писания ради, аще град, аще села, аще лугове, или езера, торжища и одрины, или людие, купленыя в дома церковныя, или пошлиною под судом церковным. или винограды, или садове или что таковое от церковных вещей, яко же еже царство наше судивше узаконив положи, и наместницы царства нашего, и несть и кому || их посудити. Тако же и елика суть вдана или куплена в дома церковныя да суть под судом церковным. л. 173 об. л. 174

Такоже не смеет никто же посужати и изыскивати кому от моих наместников или отсудити моих. И аще кто, смеая от наместников или от судий моих царства моего посудити, или продаяя к церкви, или даная от кого, или како отдана будут. Всяк бо иже аще таковое смев || изыскивати, или посужати смел дерзнути, немилостивно сего дом пограблен будет в дом церковный, или судиям, и той сам по вся лета живота своего бесчестен да будет, и от сана своего, и от случия моего отлучен яко противяся цареву узаконенному еже благочестне и благолюбезне церквам и монастырем отдавашаго. И сего ради мал некаков дар приносящуми богови, от него же || тмочисленных даровании от бога то подателныя его десница восприимшуми. Сего ради подобает ниже от наместников, ниже от судий царства моего всяческое церковное или монастырское стяжание, или даное, или купленное не изыскивати, ниже посуждати, понеже царство мое сия вся отдаде стяжания и пошлины церквам Божиим ради имени Божия и на славу его. И яко да сохра||нени будем под крепкою его десницею ово же прося милости и прощения о их же к богу яко человек плот нося приражихся и согреших, ово же ради помощи от них, иже воины великого царя Христа, иже от младаго возраста иноческому житию прилепившихся и во всеоружие отведяшихся святаго духа, споспешника имети, и поборника крепка на видимыя и невидимыя враги. Тем же || аще кто убо дерзнет наместник или судия, или вельможа царствия моего, или ради имения, или ради насилия, или ради мзды, или кторою хитростию преобидети восхощет церкви Божия, еще суть писана во утверженном писании царства моего преобидит отданная богови и его великой церкви. И яже под областью ея на востоце и на западе, всем митрополитом || и архиепископом, и епископом, и всем монастырем, идеже аще суть, якоже и преди рекохом по всей вселенной пошлины церковныя, отданыя к богу, аще гради, аще села, аще лугове, или езера, торжища и одрины, или люди купленыя в дома церковныя, или под судом церковным, или винограды, или садове, или какова суть от церковных притяжаний презрит или избидит, || или посуждати начнет, перве еже святаыя троица света и милости его да предстанет судищу Христову страшному, да не узрит, и да отпадет от христианская части якоже Июда от дванадесятнаго числа апостолского. К сему же и клятву, иже от века усопших первородных святаых и праведных и богоносных отец. О том же от божественных правил святаых отец, святаго всехвалнаго || седмаго собора о недвижимых вещех, вданных богови в наследие благ вечных, рекше села, нивы, винограды, сеножати, лес, борти, воды, источницы, езера и прочее, вданное богови в наследие благ вечных никто же их может от церкви Божия восхитити, или отъяти их, продати, или отдати. Аще ли кто, забыв страх Божии и заповеди святаых || отец оболкъся во безстудие, дерзнет таковая сотворити, аще убо епископ есть, да извержется из епископии, аще ли игумен, из монастыря изгнан будет, яко зле расточающы, иже не собра. Аще ли кто от священническаго чина убо суща, да извергутся, мниси же или мирстии человецы во всяком сану хто ни буди, да отлучатся яки сущи осужени от отца и сына и святаго духа, да устроени будут || все тии, иде же червь не умирает, и огонь не угасает. л. 174 л. 175 л. 176 л. 177 об. л. 178 л. 178 об.